

## CNUASLÁ FGL - EOLAS ÚSÁIDEACH EILE

### Ionaid le haghaidh ceardlann

Beidh roinnt de na scoileanna a bheidh ag glacadh páirt i gcnuaslá ina scoileanna óstaigh do na ceardlanna FGL. Bainfear úsáid as Ionaid Oideachais freisin, má tá siad i ngar do chnuasach de scoileanna. Beidh sonraí na n-ionad le fáil ar sceideal na gceardlann ar féidir iad a íoslódáil ag an tairseach s'againn ag [www.jctregistration.ie](http://www.jctregistration.ie).

Is gá do scoileanna aird na múinteoirí a dhíriú ar an sceideal tamall maith roimh chnuaslá na scoileanna, (m.sh. is féidir é a chur in áit lárnach ar chlár fógraí i seomra na foirne).

### Uaireanta tosaithe agus críochnaithe

Tosaíonn na ceardlanna ar an gcnuaslá ar 9.15am. Is féidir le múinteoirí síniú isteach ó 9.00am. Chun taifead cruinn a éascú, iarrtar ar na múinteoirí uile a chinntiú go síníonn siad an rolla roimh imeacht ó cheann ar bith de na hionaid. Críochnóidh na ceardlanna ar 3:45in.

### Sosanna agus Lón

Bíonn sos tae/caife ann i lár na maidne. Bíonn lón ar fáil freisin ag gach ionad.



### Teastas freastail agus foirmeacha costais

Ní eisíonn an SSM teastais tinrimh i ndáil le cnuaslaethanta scoileanna.

Ba chóir don mhúinteoir foirmeacha éilimh a chomhlánú agus a sheoladh chuig a nIonad Oideachais áitiúil le haghaidh a bpróiseála. (Féadann múinteoirí ó scoileanna BOO a gcuid foirmeacha éilimh a sheoladh chuig a gceannoifig BOO).

### Pearsanra Eile

Cuireann an SSM ceardlanna FGL ar leith ar fáil do cheannairí scoile ar bhonn leanúnach. Scríobhann an SSM go díreach chuig Príomhoidí na scoileanna chun na ceardlanna seo a fhógairt. Cuirimid fearadh na fáilte roimh cheannairí scoile a bheith i láthair ag ceann ar bith de na ceardlanna a chuirimid ar fáil ar an gcnuaslá.

Is gá do scoileanna socruithe ar leith a dhéanamh do chúntóirí riachtanais speisialta (CRSanna) ar chnuaslá.

### Cén áit a bhfaighinn breis eolais?

[www.jct.ie](http://www.jct.ie) – Is é seo suíomh gréasáin sheirbhís tacaíochta scoileanna an SSM. Is í fíis an SSM spreagadh agus tacaíocht a thabhairt do mhúinteoirí maraon len iad a chumasú agus oideachas na sraithe sóisearaí in Éirinn á athrú ó bhonn.

[www.curriculumonline.ie](http://www.curriculumonline.ie) – Is é seo suíomh gréasáin na Comhairle Náisiúnta Curaclaim agus Measúnachta (CNCM) mar a bhfaighidh tú na príomhdhoiciméid.



Lean sinn ar Twitter [@JCforTeachers](https://twitter.com/JCforTeachers)

Tá foireann chomhairleoirí lánaimseartha againn ar féidir teagmháil a dhéanamh leo trí ríomhphost ag [info@jct.ie](mailto:info@jct.ie)

An tSraith Shóisearach do Mhúinteoirí

Junior **CYCLE**  
for teachers

An tSraith  
Shóisearach:  
Eolas ar  
Chnuaslá  
FGL




## Céard é Cnuaslá FGL na Sraithe Sóisearaí?

Tá an Roinn Oideachais agus Scileanna ag cur clár cuimsitheach d'fhorbairt ghairmiúil leanúnach (FGL) ar fáil chun tacú le scoileanna *An Creat don tSraith Shóisearach* (2015) a chur i bhfeidhm. Is í seirbhís tacaíochta na Sraithe Sóisearaí do Mhúinteoirí (SSM) a bhíonn ag soláthar na forbartha gairmiúla leanúnaí (FGL) seo.

De bharr líon mór na n-ábhar ina mbítear ag soláthar FGL ag an am amháin, tá an tsamhail thraidisiúnta i dtaca le soláthar FGL, a bhí lonnaithe in ionaid oideachais, mí-oiriúnach.

Ina iarracht chun an cur isteach ar theagasc agus ar fhoghlaim a laghdú ag leibhéal na scoile tá samhail dhifriúil den soláthar FGL á cur i bhfeidhm ag SSM le haghaidh FGL atá sainiúil don ábhar – **AN CHNUAS-SAMHAIL**.

Is é a bhíonn i gceist leis an tsamhail nua seo, líon áirithe scoileanna (de ghnáth 6 go 8 scoil) i limistéar ar leith ag druidim do scoláirí an lá céanna ionas gur féidir leis na múinteoirí uile ó gach ceann de na scoileanna teacht le chéile ar mhaithe le freastal ar FGL a bhaineann leis an tSraith Shóisearach.



## Conas a oibríonn sé?

1. Cláraíonn scoileanna a gcuid múinteoirí UILE le bheith rannpháirteach sa chnuas-samhail ar shuíomh cláraithe an SSM [www.jctregistration.ie](http://www.jctregistration.ie) roimh ré, sa chaoi go mbeidh na múinteoirí UILE i láthair don FGL.
2. Tar éis an phróisis chláráithe, eisíonn an SSM litir chuig gach scoil atá rannpháirteach a iarraidh ar an scoil dul ar an suíomh cláraithe, [www.jctregistration.ie](http://www.jctregistration.ie), arís. Nuair a bheidh siad logáilte isteach ag an bpointe seo beidh scoileanna ábalta ar an gcnuasdáta s'acu a fheiceáil, lena n-áirítear an rogha chun breathnú ar na ceardlanna FGL atá á dtabhairt dá gcuid múinteoirí uile. Féadann an príomhoide, nó a (h)ainmnitheach, a gcuid ceardlanna ábhair a shannadh do mhúinteoirí agus aon athruithe ar an sceideal a dhéanamh ag an tráth seo, más gá, ansin aon athruithe a shábháil agus an sceideal a phriontáil lena chur ar taispeáint i seomra foirne na scoile ionas go bhfeicfidh gach múinteoir é.
3. Níos cóngaraí do dháta an chnuasghrúpa scoileanna féin, de ghnáth seachtain nó dhó roimh ré, ba chóir do scoileanna logáil isteach arís ar [www.jctregistration.ie](http://www.jctregistration.ie) chun féachaint ar na hionaid agus a sceideal cheardlanna FGL dá gcnuaslá a phriontáil (mura bhfuil sé acu cheana). Beidh sonraí na gceardlann uile (m.sh., am tosaithe, ionad, srl.) le fáil ar [www.jctregistration.ie](http://www.jctregistration.ie) agus ar an sceideal is féidir le scoileanna a phriontáil.

## Cé acu ceardlanna a chuirfear ar fáil ar chnuaslá?

Beidh suas le seacht gceardlann déag á gcur ar fáil ar chnuaslá scoileanna le linn na scoilbhliana 2018/2019.

Béarla

Eolaíocht

Staidéar Gnó

Gaeilge

Amharc-Ealaín

Nuatheangacha Iasachta

Matamaitic

Ceol

Eacnamaíocht Bhaile

Stair

Tíreolaíocht

An Léann Clasaiceach

Innealtóireacht

Teicneolaíocht Ábhar (Adhmad)

Oideachas Reiligiúnach

Oideachas Sóisialta Pearsanta agus Sláinte (OSPS)

Corpoideachas